

Fwen Louz Samcej Ndeidingq Goksa

刘三姐歌谣余音绕梁

□ Veiz Bingjvaz daengj raiz Dahdingz hoiz



▲ Boux ak ciengqgo Bouxcuengh Vangz Cunhyen yienjciengq 《Fwen Couhlumj Raemxdah Seizcin》.



▲ Lwgnyez Bouxcuengh caez ciengq fwen Louz Samcej.



▲ Canghgo mizmingz Ya Yauz yienjciengq fwen Louz Samcej.



▲ Fwenvuengz caeuq dahnuengx Mbanjcuengh caez ciengq fwen Louz Samcej.



▲ Aen gyoebhab ciengq fwen yienjciengq 《Mak Ndingding》.



▲ Canghgo Guengjsae youq Yizcouh yienjciengq fwen Louz Samcej.

Cien bak bi doxdaeuj, gij cienznaeuz gyaundeiz caeuq sing fwen haprwenz Louz Samcej, youq diegdeih Guengjsae riuzcienz, youq ndaw gyoengq vunzlai maj rag did ngaz, hai va dawz mak, cau ok le gij hingzik biujyienh vwnzva fungfouq lai yiengh. Boux ak ciengqgo Bouxcuengh Vangz Cunhyen yienjciengq 《Fwen Lumj Raemxdah Seizcin》, dawz fwen nyuenz miz Bouxcuengh gingdiemj Guengjsae caeuq fwen Louz Samcej guh doxyungz ndaej gig ndei, boux de baez ciengqgo couh hawj vunz haenh: Va! Bouxcuengh ndei!

Bi' gvaq nienzdae, aen hoih yienjciengq bimoq fwen Louz Samcej 2018 Yizcouh Gih Hozciz Si youq Hozciz Yozyen banh baenz, Guengjsae haujai boux vwnzyi mizmingz caeuq gyoengq hagseng Hozciz Yozyen caeziengj le ciengz hei q fwen Louz Samcej ndei yawj neix, yienhciengz heiqfaenh vwnzva naekgywd, sing fwen rwenzrwd, heiqfaenh nauhyied, daegbied dwg fwen Louz Samcej moq, sing goksasa, yaem'wenq caeuq seiz-hwng caemh miz, hawj vunz cungj naeuz gvaqyinx!

Ciuq cam rox, fwen Louz Samcej dwg gij go minzcuz Bouxcuengh, faen miz fwen ndwenngoenz, fwen guhhong, fwen doxyang, fwen yizsi, fwen duenz, fwen gojgaeq caeuq fwen geq cauhsieq daengj caet loih, de miz gij daegdiemj yungh fwen lawh vah caeuq gij minzcuzsing mingzbez,

swnjcienz haemq caezcingj, fwen cungjloih fungfouq lai yiengh, cienzboq gvangqlangh. Bi 2006 ndwen 5 ngoenz 20, fwen Louz Samcej ndaej Gozvuyen baecinj liedhaeuj buek daih'it guekgya gaep feihvuzciz vwnzva yizcanj mingzloeg.

Youq mwh cau hguh yaemgo denyinj 《Louz Samcej》, boux-raizswz Gyauz Yij, bouxraizbuj Leiz Cinbangh yungh gij daegdiemj ceiq ndei fwen Guengjsae caeuq fwen Bouxcuengh, cau hguh ok le fwen Louz Samcej gig miz funggek Mbanjcuengh naekgywd, doengzseiz youh hab gij gyaemaj vunz Cungguk. Daegbied dwg ndawde mbanj doiq fwen, engq dwg gauciu z lailai, hawj vunz haeyjinx. Mehmbwk gyoebhab Mbungqmbaj Mbin caeuq lrgvuengz fwenyox Cauz Yangz doengzcae yienjciengq 《Doiq Fwen》, yungh gij fuengsik 21 sigij langhbaij le gij gojgaeq doxyangz Louz Samcej caeuq beix Daegniuz.

Louz Samcej yienznaeuz dwg aen cienznaeuz he, hoeng cix mbouj dwg riuz daengxndwi, de miz gij giekdae yinzvwnz caeuq diegnamh vwnzva naekna. Yizcouh mbanjranz Louz Samcej, gingjsaek gyaundeiz, dei ndei vunz coengmingz, gyoengqvunz gizneix cien bak bi doxdaeuj swnjcienz fwen Louz Samcej, youq ngoenznaengz guh hong gvaq ndwenngoenz hix ciengzseiz eu fwen gangj ok gij cingzgamj ndaw sim. Guekgya feihvuzciz vwnzva

yizcanj bouxswnjcienz fwen Louz Samcej fwenvuengz Se Gingliengz caeuq aen gyoebhab dangdieg mizmingz yungh fwen guh moiz, "dahlwg Yizcouh" — Daih daih-sam bouxswnjcienz Louz Samcej Dangz Beicuh gyo' mbaij mbanjranz, gyoengq "fwenvuengz iq" daj Yizcouh Saedniemh Siujyoz daeuj haenx yungh fwen lwnh gyoengq bouxhek diegyae naeuz lwnyez runghbya mbouj bingzciengz.

Daj bi 2016 buek daih'it "fwen Louz Samcej" doiok doxdaeuj, mboujdan ndaej daengz gyoengq vunzlai ndiepgyaez, hix yinx ndaej engq lai canghciengqgo yungh gij vwnzva cienzdoengj minzcuz guh goekgaen daeuj cau hguh. 《Fwenyox Dahyagen》 lumj raemxmbouq nei sawdikdik, 《Sawgmwh Miz Di Naemj Mwnz Lo》 cingz naek lai raeuh, song hot "fwen Louz Samcej moq" baez fat okdaeuj, langhbaij le gij gagsaenq vwnzva Bouxcuengh youq seizdaih baihgong haenx, sing fwen ndeidingq hawj gyoengq bouxyaez fwen iq yienhciengz hoih yienjciengq baez youh baez angq hemq, dopfwngz nyauz-nyauz.

Louz Samcej duh Cungguk, engq dwg duh seiqgyaiq. Fwen Louz Samcej dangguh buek daih'it feihvuzciz vwnzva yizcanj Cungguk, miz gij lizsij goek gya rag raez, miz gij giekdae vwnzva vunzlai naekna, miz gij hingzik fungfouq lai yiengh, engq miz gij daengzcog rongh-sagsag.



▲ Cejnuengx Mbanjcuengh caez ciengq fwen Louz Samcej.



▲ Aen gyoebhab 《Mbungqmbaj Mbin》 caeuq canghgo Cauz Yangz doiq fwen.



▲ "Dahniq Yizcouh" ciengq fwen haenh Guengjsae ndei.